

BOSNA I HERCEGOVINA
FEDERACIJA BOSNE I HERCEGOVINE
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA

Broj: T04 0 KT 0051745 23
Zenica, 20.10.2023. godine

OPĆINSKOM SUDU U ZENICI
Sudiji za prethodno saslušanje
ZENICA

Na osnovu člana 45. stav 2. tačka i) i člana 241. stav 1. Zakona o krivičnom postupku F BiH, podižem

O P T U Ž N I C U

Protiv:

HALILOVIĆ MIRNESA, rođen 1969. godine u Zenici, neosuđivan,

što je:

dana 11.01.2023. godine, oko 17,05 sati, u Zenici, upravljajući putničkim motornim vozilom marke „Opel Astra“, registarskih oznaka..., krećući se ulicom Armije BiH iz pravca raskrsnica ulica Armije BiH-Meokušnice u pravcu ulice Gornjozenička, vozio neoprezno i nedovoljno pažljivo, te dolaskom kod broja 11 ulice Armije BiH, postupajući suprotno odredbama člana 28. Zakona o osnovama bezbjednosti saobraćaja na putevima, nije obratio pažnju na pješaka M. M., koji je prelazio na obilježenom pješačkom prelazu, iz pravca ulice Uzunovića put prema zgradi u ulici Armije BiH broj 9., sa desne strane u smjeru kretanja vozila ostvario kontakt prednjim lijevom dijelom vozila sa pješakom M. M., iako je bio svjestan da svojom neopreznom vožnjom može tako ugroziti javni promet da dovede u opasnost živote ljudi, ali je olako držao da do toga neće doći, uslijed čega je isti pao na kolovoz, ugrozivši time sigurnost javnog prometa, kojom prilikom je M. M. zadobio teške tjelesne ozljede u vidu razdernonagnječne rane glave čeonu lijevo, razdernonagnječne rane u dijelu lijeve ušne školjke, ogrebotine kože stražnje strane obe šake, ogrebotine kože lijeve strane vrata, preloma kosti donje vilice u nivou zglobnog nastavka, linijskog preloma ljuske lijeve čeonu kosti, višekomadnog preloma kostiju sinusa u gornjoj vilici obostrano sa pomakom, preloma luka lijeve jagodične kosti i preloma krova lijevog očnog otvora sa prisustvom zraka,

dakle, da bi iz nehata kao učesnik u saobraćaju na putevima, koji se ne pridržava saobraćajnih propisa, ugrozio javni promet da je doveo u opasnost život ljudi, uslijed čega je prouzrokovana teška tjelesna ozljeda jedne osobe,

čime je počinio krivično djelo teška krivična djela protiv sigurnosti javnog prometa iz člana 336. stav 3. u vezi sa članom 332. stav 3. u vezi sa stavom 1. KZ F BiH.